



**ҮНДЭСНИЙ ЦЭЦЭРЛЭГТ ХҮРЭЭЛЭН
ОНӨТҮГ**

Их хүрээ гудамж, 26 дугаар хороо,
Баянзүрх дүүрэг, Улаанбаатар хот, 13313
Утас: (976) 7555 4645, 7555 4647
Цахим шуудан: info@park.ub.gov.mn
Цахим хуудас: www.park.ub.gov.mn

2022.09.13 № 315

танай _____ -ны № _____ -т

Санал хүргүүлэх тухай

ХААИС-ийн Агроэкологийн Таримал судлал, Ой, Ландшафтын Архитектурын тэнхимээс хэрэгжүүлж буй Ландшафтын архитектурын сургалтын хөтөлбөрт багтсан Urgent төслийн хүрээнд шинээр болон шинэчлэн сайжруулж буй бакалавр, магистрын түвшний нийт 8 хичээлд дараах саналыг хүргүүлж байна.

Үндэсний Цэцэрлэгт Хүрээлэнгийн инженер, мэргэжилтнүүдийн баг ХААИС-аас ирүүлсэн саналын дагуу дээрх хичээлүүдийн төлөвлөгөө тус бүртэй сайтар танилцаж, дараах саналуудыг гаргасан. Үүнд:

1. Ландшафт архитектурын үндэс: Тус хичээлийн хөтөлбөрийг илүү өргөн хүрээнд явуулж, дадлага ажлыг хувийн байгууллага болон төрийн байгууллагуудтай хамтран бичил цэцэрлэгт хүрээлэнгийн зохиомж гаргах, түүнийг ажил хэрэг болгох нь зүйтэй. Хичээлийн сэдэв, агуулга нь хөтөлбөрийн зорилготой нийцэж байна.

2. Ландшафтын архитектурын төсөл-II: Тус хичээлийн хүрээнд эдийн засгийн ойлголтыг нэмж, илүү тодруулж өгсөн нь сайшаалтай байна. Цаг хугацаа болон эдийн засгийн хувьд хэмнэлттэй байдлыг харгалзан үзэх нь маш чухал юм. Өөр санал байхгүй.

3. Ландшафтын архитектурын материал судлал: Орчин үеийн дэвшилтэд технологи болон хог хаягдлыг дахин боловсруулсан бүтээгдэхүүнийг ашиглах чиглэлээр нэмэлт сэдэв тусгаж өгөх нь зүйтэй.

4. Ландшафтын архитектурын экологи: Орчин үеийн чиг хандлага нь байгальд ээлтэй технологи гэж яригдах болсон энэ цаг үед тун чухал хичээл бөгөөд хичээлийн лекц, семинарын агуулгатай бүрэн санал нийлж байна.

5. Монументаль чимэглэл: Тус хичээлийн хүрээнд мөн оюутнуудын бүтээлч санааг илүү бодитоор тусгаж, хийгдэж буй бүтээлүүдийг бодит амьдралд хэрэгжүүлэх боломжоор хангах, хичээлийн цагийг нэмэгдүүлбэл бодит үр дүнд хүрэх болов уу.

6. Хот суурин чимэглэл: Орчин үед яригдаж байгаа хотын стандартыг илүү тод томруунаар харуулах, цаашлаад ирээдүйд бэлтгэгдэж байгаа мэргэжилтнүүд өмнө гаргасан хот төлөвлөлтийн алдаа болон оноог засаж сайжруулах, шинээр

боловсруулагдан гарч буй стандартуудыг дагаж мөрдүүлэхэд чухал үүрэгтэй хичээл юм. Хичээлийн агуулга болон бусад холбогдох нэмэлт санал байхгүй.

7. Ландшафтын архитектурын дизайн: Энэхүү хичээл нь ахисан түвшний оюутнуудад орох тул хичээлээр холбогдох арга аргачлал, тооцоо судалгааг нэлээн оруулж өгөх нь зүйтэй байх. Түүнчлэн олон улсын туршлагаас судлах чиглэлд нэмэлт сэдэвүүд оруулж өгөх нь зүйтэй болов уу.

8. Хотын модлог ургамлын экологи: Тус хичээлийн хүрээнд мод, бут, сөөг ургамлын биологи, экологийн онцлогийн талаар илүү түлхүү мэдлэг олгох нь зүйтэй. Түүнчлэн ногоон байгууламжид дадлага ажил түлхүү хийлгэх, практик мэдлэгийг сайн олгох хэрэгтэй. Ингэснээр төлөвлөлт хийхэд гоо зүйн мэдрэмжээс гадна илүү шинжлэх ухааны үндэстэй, стандартын дагуу төлөвлөх болно.

Эдгээр хичээлүүд нь Ландшафтын архитектурын мэргэжлээр төгсөн гарч буй мэргэжилтнүүд зайлшгүй үзэж судлах шаардлагатай бөгөөд хичээлүүдийн сэдэв, агуулга нь хөтөлбөрийн зорилго, зорилттой нийцэж байна гэж үзэж байна.

ДАРГА



ОЮУНЗУЛ